

գոյ զպատիժ իմն, այսինքն ժանտամահ սաստիկ, զի տուրն մէջ իւրաքանչիւր քահանայ զնամք չորս կամ հինգ հիւանդ տեսանելոյ: (Հայր Յակոբ առ Մխիթար, յամի 1736 սեպտ.ի 12. [Էրզրում?]):

ԽԷ.

Են այժմ [հայր անմիաբանք] ի յայնքան մեծի նեղութեան, զոր ունին ի յունաց վասն երուսաղիմի սուրբ յակոբին... ետուն յարքունիս զբազում զանձս զի սուրբ յակոբ ի ձեռս իւրեանց մնացէ, ոչ եղև, զի եդին զոմանս ի բանտ մահու. և յղեցին սաստիկ հրամանաւ թագաւորին բերել տալ զհետնչհրնֆի¹ ի յերուսաղէմայ, որպէս զի տեսցէ... և համեմատեցուցէ զնա ընդ քիւթուկին թէ իցէ նման օրինակեցեալն ընդ օրինակին. ապա թէ ոչ՝ կտրեսցէ ընդ մէջ զայլայլօղոսն արքունական գրոյն, և զմասն նոցա ընդ կեղծօղոսն դիցէ. քանզի յոյնք ամբաստան եղին զսոցանէ տանկաց [այս վերջին բառ ծածկագրութիւն է], թէ սոքա այլայլեալք իցեն զհետնչհրնֆի [զհատոր շէրիֆ] արքայական և այլն: (Չմեպեքեքձի տիրացու Վարդաւառ առ Մխիթար, յամի 1735 դեկտ. 25. [Կ. Պոլիս]):

ԽԸ.

Ուրախ եղէ լսելով զգնալն Գերյարգութեանդ ընդ նորընծայից ի հովէնթայ... Աստանօր մեծ պատրաստութիւն գոյ պատերազմի: ԶՎ մեծամեծ նաւս կազմեն, և զՎ կալերս: 150 մեծ արապայ թօփ, պարանք, և առագաստք, և այլք կահք նաւուց եկին ի թոհեսթու, որպէս զի նոքօք զարդարիցին նաւք տեղոյս: Նաև 40 կամ 50 վենայու նաւք լիք էին թօփովք և կիւլլէիք եւն.: Թէպէտ արտաքուստ ոչ է հաւաստի կերպ և եղանակ պատերազմին: Նաև աւելի քան 100,000 զինուոր ունի ի պատրաստի: Կայսրն² ոչ է աստ, բայց ի վիճիլիայի համբարձման գալոց է: (Հ. Թ. Յովաննիսեան առ Մխիթար, յամի 1737 Մայիսի 29. [Երեսնամեակն]):

ԽԹ.

Զինչն, զոր էառ տոտէչն՝ զնա վերստին առին սոքա և ենթարկեալքն, որք զնացին ըստ զօրաց տոտէչին՝ զերծան՝ և որք մնացին՝ զբերի վարեցան ի տանկանց: Զօրքն այլազգեաց զնացեալք առ օգուն՝ կամեցեալք են առնուլ զնա ի ձեռաց մուշտակին՝ բայց ամենեքին կտորեցեալք են ի մուշտակի զօրացն: Եւ ասի լինել յայսմիկ ծմեռան հաշտութիւն: (Հ. Պօղոս վարդապետ առ Մխիթար, յամի 1737 հոկ. 31. [տեղի?]):

Ճ.

Իսկ զթարգմանութիւն գրեթէ ամենեկին առնել ոչ կարեմ, սակս ահի և երկիւղի, զոր կրեմք ի ձայնից պատերազմականաց. քանզի մերթ ասեն թէ աստի մտանէ տանկին և անտի թաթարն. մերթ թէ աստի Պօնափալ ուրացօղն, ընդ Ռազօցիին որդւոյն. և անտի ամենայն ազգք տեղացիք, այսինքն թէ մահառք, թէ օլախք, և թէ սասք. արդէն իսկ կրճտեն զատամուսնս իւրեանց ի վերայ հայոց, և սպասեն զի միայն դիցէ զոտն իւր տանկին ի դրանսիլվանիայ, զի իսկոյն յարձակիցին ի վերայ մեր և կենդանւոյն խողխողիցեն զմեզ: Թէպէտ լուաք թէ Ֆրանձուզն ասացեալ իցէ տանկին, զի առնիցէ զխաղաղութիւն ընդ Գառօլոսի կայսերն. ապա թէ ոչ՝ ինքն անյապաղ ելցէ ի վերայ նորա: Եւ յայն սակս լուաք թէ տանկին յղեալ իցէ ի Վեննա գերկուս փաշայս բազում ջորիաբեան ոսկւով և արծաթով. (Հ. Թեոդորոս Յովաննիսեան առ Մխիթար, յամի 1737 դեկտ.ի 10, ի Էրզրում):

1. Մածկազիր է այս բառը, պէտք է կարգաւ զհատոր շէրիֆ.
2. Կարուս Զ.: